



## O'ZBEKISTON RESPUBLIKASI AXBOROT TEKNOLOGIYALARI VA KOMMUNIKATSIYALARINI RIVOJLANTIRISH VAZIRLIGI

### BUYURUG'I

#### Ўзбекистон Республикаси Ахборот технологиялари ва коммуникацияларини ривожлантириш вазирлигига ходимларни танлов асосида ишга қабул қилиш (ёллаш) тартиби ҳақида

Ўзбекистон Республикаси Ахборот технологиялари ва коммуникацияларини ривожлантириш вазирлигининг 2020 йил 18 майдаги 103-Ф-сон фармойиши билан тасдиқланган “Давлат ҳокимияти ва бошқаруви органларида иш берувчи ва номзод ўртасида видеосуҳбатни масофавий интервью йўли билан маҳсус телекоммуникация алоқа ҳамда видеоконференция воситалари ёрдамида ўtkазиш механизmlарини жорий қилиш юзасидан Ахборот технологиялари ва коммуникацияларини ривожлантириш вазирлигининг Чоратадбирлар режаси”га мувофиқ Ахборот технологиялари ва коммуникацияларини ривожлантириш вазирлигига ходимларни танлов асосида ишга қабул қилиш (ёллаш) тартибини такомиллаштириш мақсадида буюраман:

1. “Ўзбекистон Республикаси Ахборот технологиялари ва коммуникацияларини ривожлантириш вазирлигига ходимларни танлов асосида ишга қабул қилиш (ёллаш) тартиби”нинг такомиллаштирилган янги таҳрири иловага мувофиқ тасдиқлансин, шу муносабат билан вазирликнинг 2015 йил 8 июндаги 127-сон буйруғи ўз кучини йўқотган деб хисоблансин.

2. Кадрлар бўлими (З.Тогаева):

Вазирликнинг Жамоатчилик ва оммавий ахборот воситалари билан алоқалар бўлими (Ш.Ахматов) билан биргаликда доимий равишда ўрнатилган тартибда мавжуд бўш лавозимлар ҳақидаги маълумотлар Вазирликнинг расмий веб-сайтига жойлаштирилишини;

Вазирликнинг тегишли бошқарма, бўлим ва ҳудудий бошқармалари билан биргаликда мавжуд бўш лавозимларга ишга қабул қилиш танловларини ўрнатилган тартибда ташкил этилиши ва ўтказилишини таъминласин.

3. Моддий-техник таъминот ва қурилиш бўлими (Д.Максудов) бир ҳафта муддатда ишга қабул қилиш танловида иштирок этувчи номзод(лар) билан сухбат ўтказиш мақсадида Вазирлик биносида доимий фойдаланиш учун алоҳида хона ва компьютер техникиси ажратилишини ҳамда Интернет тармоғига уланишини таъминласин.

4. Вазирликнинг бошқарма ва бўлимлари ҳамда ҳудудий бошқармалари бошлиqlарининг ўzlари бошқараётган бўлинмаларида бўш лавозим юзага келиши билан бир кун муддатда Кадрлар бўлимига мазкур лавозимга белгиланган малака

таблари ва вазифалари тўғрисидаги маълумотни тақдим этишга жавобгарлиги белгилаб қўйилсин.

5. Мазкур буйруқнинг бажарилишини назорат қилиш вазир ўринbosарлари зиммасига юклансин.

Вазир



Ш. Садиков

Ўзбекистон Республикаси  
Ахборот технологиялари ва  
коммуникацияларини ривожлантириш  
вазирлигининг 2020 йил 15 сентябрдаги  
490-сон буйругига  
ИЛОВА

## Ўзбекистон Республикаси Ахборот технологиялари ва коммуникацияларини ривожлантириш вазирлигига ходимларни танлов асосида ишга қабул қилиш (ёллаш) тартиби

### 1. Умумий қоидалар

1. Мазкур Тартиб Ўзбекистон Республикаси Ахборот технологиялари ва коммуникацияларини ривожлантириш вазирлиги (кейинги ўринларда – Вазирлик) марказий аппарати ва худудий бошқармалари лавозимларига номзодларни танлаш талабларининг асосий тамойил ва қоидаларини белгилаб беради.

2. Мазкур тартибда қуидаги тушунчалар қўлланилган:

**бўш лавозим** – Вазирлик марказий аппарати ва худудий бошқармалари таркибий тузилмасига кирувчи янги ходимни қабул қилиш мумкин бўлган бўш иш жойи (лавозим);

**номзод** – Вазирликнинг марказий аппарати ва худудий бошқармасида ишлашни хоҳловчи жисмоний шахс;

**сұхбат** – номзодни Вазирлик биносига таклиф қилган ҳолда ёки видеоконференцалоқа орқали Вазирликнинг Ишга қабул қилиш бўйича танлов комиссияси (кейинги ўринларда – Комиссия) иштирокида ўтказиладиган мулоқот;

**комиссия** – Вазирликнинг Ишга қабул қилиш бўйича танлов комиссияси;

**номзодни баҳолаш** – сұхбат натижасига кўра Комиссия томонидан амалга ошириладиган фаолият;

**бошқарув лавозими** – Ўзбекистон Республикаси Президенти, Президент Администрацияси ёки Вазирлар Маҳкамасининг номенклатурасига кирмайдиган бошқарма ва бўлим бошлиги лавозими;

**ишга қабул қилиш бўйича танлов** – номзодларнинг даъвогарлик қилаётган лавозимга билими, тажрибаси, кўникма талаблари, шахсий-психологик жиҳатлари ва бошқа сифатлари бўйича лойиқлигини баҳолаш билан боғлиқ ўтказиладиган чоратадбирлар мажмуи.

3. Мазкур Тартиб Ўзбекистон Республикаси Конституцияси, Ўзбекистон Республикаси Мехнат Кодекси ва Қонун хужжатлари, Ўзбекистон Республикаси Президенти Фармонлари, қарор ва фармойишлари, Хукумат қарорлари, Хизматчиларнинг асосий лавозимлари ва ишчилар касблари классификатори, тармоқ таснифлагичлари ва бошқа меъёрий хужжатлар талаблари асосида ишлаб чиқилди.

4. Танлов қонунчиликда белгиланган тартибда номзодларнинг Вазирликнинг вазифа ва функцияларига мослигини таъминлаш мақсадида ўтказилади.

5. Мазкур Тартиб қуидагиларга татбиқ этилмайди:

Ўзбекистон Республикаси Президенти, Президент Администрацияси ёки Вазирлар Маҳкамасининг номенклатурасига кирувчи ҳамда вазир ўринбосари даражасига тенглаштирилган лавозимлар;

Вазирликнинг юридик масалалари бўйича лавозимлар;

Чет эл фуқаролари;

Вазирликнинг техник ва ёрдамчи персонал таркибига кирувчи лавозимлар.

Иш берувчи томонидан тегишли йўналишни ривожлантириш мақсадида ишга таклиф этилган тажрибали мутахассисларни сухбат қилмасдан синовсиз ишга қабул қилинишига йўл қўйилади.

6. Ходимларни ишга қабул қилиш бўйича танловни ташкил этиш Вазирликнинг Кадрлар масалалари бўйича бўлим томонидан амалга оширилади.

7. Бошқарув лавозимига ишга қабул қилиш бўйича танловда кўрилаётган лавозим йўриқномаси талабларига мос бўлган номзодлар иштирок этиши мумкин.

8. Танлов номзод(лар)дан келиб тушган хужжатлар асосида Вазирликнинг Ишга қабул қилиш бўйича танлов комиссияси томонидан ўтказилади.

9. Комиссия таркиби:

Тегишли йўналиш бўйича вазир ўринбосари;

ишга қабул қилиш бўйича танлов ўтказилаётган бўш лавозим мавжуд бошқарма (бўлим) бошлиғи (ўринбосари);

Махфий хужжатлар билан ишлайдиган бўлим бошлиғи;

Кадрлар масалалари бўйича бўлим бошлиғи киритилади.

Бундан ташқари кўриб чиқилаётган бўш лавозим хусусиятидан келиб чиқсан ҳолда Комиссия таркиби бошқа ходимлар (юридик бўлим, бухгалтерия, ахборот хавфсизлиги бўйича масъул бўлим ходими ва бошқалар) киритилиши ҳам мумкин.

10. Ишга қабул қилиш бўйича танлов қуидаги босқичлардан иборат бўлади:

бўш лавозимга ишга қабул қилиш бўйича танлов ўтказилиши ҳақидаги эълонни чоп этиш/веб-сайтга жойлаштириш;

номзод(лар)нинг хужжатларини қабул қилиш ва кўриб чиқиш;

номзод(лар)ни баҳолаш;

номзод(лар) билан сухбат ўтказиш.

11. Ишга қабул қилиш бўйича номзод(лар)нинг танловда иштирок этиш билан боғлиқ харажатлар (йўл ҳақи, яшаш, кунлик, видеоконференцалоқа ва бошқа харажатлар) номзодларнинг ўз хисобидан амалга оширилади.

12. Танловда иштирок этаётган Вазирлик ходимларидан мазкур Тартибининг 18-бандида келтирилган хужжатларни тақдим қилиш талаб этилмайди.

## **II. Бўш лавозимга ишга қабул қилиш бўйича танлов ўтказилишини эълон қилиш**

13. Бўш лавозимга ишга қабул қилиш бўйича танлов ўтказилиши юзасидан эълон қуидаги амалга оширилади:

Вазирликнинг расмий веб-сайтига жойлаштирилади;

Вазирлик томонидан танланган даврий матбуот нашрларида эълон қилинади.

14. Бўш лавозим (мавжуд бўлса) ҳақида маълумотлар ҳар ойнинг охирги иш кунида Вазирликнинг Кадрлар масалалари бўйича масъул бўлими томонидан раҳбарият билан келишилган ҳолда мазкур Тартибининг 1-иловасида келтирилган А-шакл асосида номзодларга белгиланган малака ва бошқа талаблар кўрсатилган танлов ўтказиш ҳақидаги эълон тайёрланади ва Вазирликнинг оммавий ахборот воситалари билан ишлайдиган бўлимига тақдим этилади.

15. Вазирликнинг оммавий ахборот воситалари билан ишлайдиган бўлими танлов ўтказиш ҳақидаги эълонни маълумот тақдим этилган кундан бошлаб 3 иш кунида Вазирликнинг расмий веб-сайтига жойлаштиради. Эҳтиёждан келиб чиқсан ҳолда эълон бошқа сайтларда, шунингдек, бошқа ижтимоий тармоқларга ҳам жойлаштирилиши мумкин.

16. Номзодлар хужжатларини қабул қилиш эълон жойлаштирилган/чоп этилган кундан бошлаб ўн иш куни давомида амалга оширилади.

### **III. Ҳужжатларни қабул қилиш ва кўриб чиқиши**

17. Бўш иш ўрнига қабул қилиш бўйича танловда иштирок этиш истагида бўлган номзод(лар) ёзма, телефон ёки электрон почта манзили орқали Вазирликка мурожаат этади(лар).

18. Номзод куйидаги ҳужжатларни тақдим этиши лозим (электрон ёки қоғоз шаклда):

- мазкур Тартибнинг 2-иловасида келтирилган В-шаклга мувофиқ тўлдирилган маълумотнома;

- маълумоти тўғрисида диплом нусхаси, қўшимча равишда илмий даражава унвонини тасдиқловчи ҳужжат нусхаси. Номзод хорижий олий таълим муассасасини тамомлаган бўлса, диплом нусхасига қўшимча равишда нотариал идора томонидан тасдиқланган нострификация қилинганлик тўғрисидаги ҳужжатнинг нусхаси ҳам тақдим этиши шарт;

- меҳнат дафтарчасининг нусхаси;

- номзоднинг шахсини тасдиқловчи фуқаролик паспорти нусхаси;

- малака оширганлик ёки қайта тайёрланганлиги тўғрисидаги гувоҳнома нусхаси (охирги уч йилда);

алоҳида ҳолларда:

- номзодга берилган тавсия хати. Тавсия хати имзоланган санадан бошлаб уч ой кучга эга ҳисобланади.

19. Номзоднинг танловга тақдим этилган ҳужжатлари қайтарилмайди.

20. Номзод томонидан тақдим этилган ҳужжатларда камчиликлар мавжуд бўлган ёки тақдим этилган ҳужжатлар талабга жавоб бермаган ҳолларда номзодга танловда иштирок этишга рухсат берилмайди.

21. Танловда иштирок этиш учун юбориладиган ҳужжатлар белгиланган муддат давомида шахсан номзоддан, почта ёки электрон почта орқали қабул қилинади.

22. Ҳужжатлар танлов эълон қилинган кундан бошлаб эълонда кўрсатилган муддатда қабул қилинади.

23. Ҳужжат қабул қилиш муддати тугаганидан сўнг Вазирликнинг Кадрлар масалалари бўйича масъул бўлими ва бўш иш мавжуд бўлган тегишли бўлим (бошқарма) томонидан беш кун муддат давомида номзодлар ҳужжатлари танлов ўтказилаётган бўш лавозим малака талабларига мослиги кўриб чиқилиб, сұхбатга кирувчи номзодлар рўйхати шакллантирилади.

Кўриб чиқиши натижаси бўйича номзодни сұхбатга киритиш ёки киритмаслик тўғрисида бир иш куни давомида телефон/почта/электрон почта орқали номзодга маълум қилинади.

### **V. Номзодлар билан сұхбат ўтказиши**

24. Сұхбат эҳтиёждан келиб чиқиб Комиссия аъзоларининг иш вақтини инобатга олган ҳолда кўпи билан бир ойда икки марта ўтказилиши мумкин.

25. Сұхбат номзодлар хабардор қилинган кундан бошлаб 5 иш куни ичida ўтказилади.

26. Кадрлар масалалари бўйича масъул бўлим томонидан сұхбат натижалари хақида шахсан номзод(лар)нинг ўzlари хабардор қилинади.

27. Сұхбатда Комиссия аъзолари томонидан ҳар бир номзодга дазвогарлик қилаётган бўш лавозим йўналишига мувофиқ талаб ва вазифалардан келиб чиқсан ҳолда саволлар берилади ҳамда жавоблари баҳоланади.

28. Номзод(лар) билан ўтказилган сұхбат натижалари С-шаклдаги намунага мувофиқ Комиссия баённомаси билан расмийлаштирилади. Сұхбат натижалари Вазирликнинг Кадрлар масалалари бўйича бўлимида бир йил сақланади.

29. Баённомада кўйидаги қарорлардан бири қабул қилиниши мумкин:  
уч ой синов муддати билан ишга қабул қилиш таклиф этилсин;  
синов муддатисиз билан ишга қабул қилиш таклиф этилсин;  
ишга қабул қилиш таклиф этилмасин.

## **VI. Номзодларни ишга қабул қилиш**

30. Комиссия баённомаси асосида номзод меҳнат қонунчилигига мувофиқ ишга қабул қилинади.

**Ишга қабул қилиш танловини ўтказиш ҳақида  
ЭЪЛОН**

Ўзбекистон Республикаси Ахборот технологиялари ва коммуникацияларини ривожлантириш вазирлиги бўш \_\_\_\_\_ лавозимига ишга қабул қилиш бўйича танловни ўтказиш ҳақида эълон қиласди.

<b>Вазирлик манзили</b>	
<b>Боғланиш учун телефон ва факс рақамлари</b>	
<b>Электрон почта манзили</b>	
<b>Боғланиш учун вакил Ф.И.О.</b>	
<b>Хужжатларни қабул қилиш муддати</b>	
<b>Бўш лавозим вазифалари</b>	
<b>Номзодларга белгиланадиган малака талаблари</b>	
<b>Иш ҳақи ва моддий ёрдам</b>	
<b>Танловда иштирок этиш учун тақдим этиладиган хужжатлар рўйхати</b>	

## Номзоднинг маълумотномаси

### МАЪЛУМОТНОМА

Шрифт 14

Шрифт 14

### Эшматов Ботир Баҳодирович

2007 йил 5 октябрдан:

Тошкент давлат иқтисодиёт университетининг ўкув ишлари бўйича проректори

Туғилган йили:

25.10.1960

Туғилган жойи:

Тошкент вилояти, Қибрай тумани

Миллати:

ўзбек

Партиявилиги:

йўқ

Маълумоти:

олий

Тамомлаган:

1982 й. Тошкент давлат университети (кундузги)

Маълумоти бўйича мутахассислиги:

иқтисодчи

Илмий даражаси:

иқтисод фанлари доктори

Илмий узвони:

профессор

Қайси чет тилларини билади:

рус, инглиз тиллари

Ҳарбий (махсус) узвони:

йўқ

Ҳарбий (махсус) узвони  
факат ҳарбий ва ҳукукни  
муҳофаза килиш  
идоралари ходимлари  
учун кўрсатилади.

Давлат мукофотлари билан тақдирланганми (қанака):

2005 й. “Мехнат шуҳрати” ордени

Халқ депутатлари республика, вилоят, шаҳар ва туман Кенгаши депутатими ёки бошқа  
сайланадиган органларининг аъзосими (тўлиқ кўрсатилиши лозим):

2010 й. - ҳ.в. - Халқ депутатлари Тошкент вилоят Кенгаши депутати, Ўзбекистон Республикаси Олий  
Мажлиси Сенати аъзоси

### МЕҲНАТ ФАОЛИЯТИ

Шрифт 14

4 пт

1977-1982 йй. - Тошкент давлат университети талабаси

4 пт

1982-2004 йй. - Тошкент давлат университети иқтисодиёт факультети кичик илмий ходими

2004-2007 йй. - Тошкент давлат иқтисодиёт университети микроиктисодиёт факультети декани

2007 й. - ҳ.в. - Тошкент давлат иқтисодиёт университетининг ўкув ишлари бўйича проректори

Изоҳ:

- Шрифт: Times New Roman, 11, MS Word .doc форматида
- Саҳифа чегаралари: юкоридан 1,5 см, пастдан 1 см, ўнгдан 1 см, чапдан 2 см
- Маълумотномада кискартиришлар ишлатиш мумкин эмас.
- Ф.И.Ш. паспорт маълумотлари билан текширилиши керак.
- Мехнат фаолияти бўйича маълумотлар Мехнат дафтарчаси билан, Тамомлаган ОЎЮ ва мутахассислиги бўйича маълумотлар диплом нусхаси билан текширилиши лозим.
- Факат мукаммал биладиган чет тиллари кўрсатилади. Лугат ёрдамида биладиганлари кўрсатилмайди.
- Электрон версияси илова килиниши шарт. Файл номи кирил алифбосида, тўлиқ Ф.И.Ш. (ў, к, г, х ўрнига у, к, г, х ишлатилсин), масалан: Эшматов Ботир Баҳодирович.doc
- Вазирлик ва идораларнинг биринчи раҳбарлари маълумотларнинг тўғрилиги учун жавобгар хисобланади.

**Ботир Баҳодирович Эшматовнинг яқин қариндошлари ҳақида  
МАЪЛУМОТ**

Шрифт 14

Қарин- дошлиги	Фамилияси, исми ва отасининг исми	Туғилган йили ва жойи	Иш жойи ва лавозими	Туарар жойи
Отаси	Эшматов Баҳодир Темирович	1935 йил, Тошкент вилояти, Қибрай тумани	Пенсияда (Тошкент давлат иқтисодиёт университети доценти)	Тошкент вилояти, Қибрай тумани, Бинокор кўчаси, 5-үй
Онаси	Абдушукурова (Хамдамова) Рахима	1936 йил, Тошкент вилояти, Қибрай тумани	2000 йил вафот этган (Тошкент давлат иқтисодиёт университети доценти)	
Опаси	Соатова (Эшматова) Гулчехра Баҳодировна	1959 йил, Тошкент вилояти, Қибрай тумани	Қибрай туманидаги касб-хунар коллежи ўқитувчиси	Тошкент вилояти, Қибрай тумани, Бинокор кўчаси, 25-үй
Укаси	Эшматов Тохир Баҳодирович	1972 йил, Тошкент вилояти, Қибрай тумани	Ўзбекистон Республикаси Марказий банки етакчи иқтисодчиси	Тошкент вилояти, Қибрай тумани, Бинокор кўчаси, 5-үй
Турмуш ўртоғи	Эшматова (Пирматова) Нозима Шарофходжаевна	1968 йил, Тошкент шаҳри	Тошкент шаҳар 1-марказий поликлиникаси физиотерапия бўлими шифокори	Тошкент шаҳри, Миробод тумани, Нукус кўчаси, 20-үй, 21-хонадон
Қизи	Эшматова Зиёда Ботировна	1991 йил, Тошкент вилояти, Қибрай тумани	Ўзбекистон Миллий университети талабаси	Тошкент шаҳри, Миробод тумани, Нукус кўчаси, 20-үй, 21-хонадон
Қайнотаси	Пирматов Шарофходжа Нигматович	1939 йил, Тошкент шаҳри	2000 йил вафот этган (Ўзбекистон Миллий университети доценти)	
Қайнонаси	Пирматова (Юнусбекова) Машкура Собировна	1945 йил, Тошкент шаҳри	Пенсияда (Тошкент давлат техника университети доценти)	Тошкент шаҳри, Олмазор тумани, Ипакчи кўчаси, 33-үй

**Изоҳ:**

Зарур:	Тўғри:	Нотўғри:
- қариндошлиги, фамилияси, исми ва шарифлари хамда турмушга чиқишидан аввалги фамилияси аниқ кўрсатилиши.	Үғли Турмуш ўртоғи	Рўзиев Асрор Холматович Исламова (Пирматова) Нибуфар Шариповна
- туғилган йили, вилояти ва тумани (шаҳри) аниқ кўрсатилиши.	1976 йил, Самарқанд вилояти, Ургут тумани	1956 йил, Фарғона вилояти, Кўкон шаҳри
- иш жойи ва лавозими тўлик кўрсатилиши. Мавъумотлар тақдим этилаётган муддатда тўғрилигига эътибор каратиш.	"Фотон" очик акциядорлик жамияти иқтисод бўлими мутахассиси	Бешарик туманидаги 20-мактаб ўқитувчisi
- вафот этган бўлса вафот этган йили ва (пенсияда бўлса хам) аввалги лавозими тўлик кўрсатилиши ("илгари", "бўлган" сўзларисиз).	1992 йил вафот этган (1- марказий поликлиника шифокори)	Пенсияда (50-мактаб ўқитувчisi)
- турар жойида вилоят, шаҳар, туман, даҳа сўзларининг номлари тўлик кўрсатилиши.	Андижон вилояти, Асака тумани, Ипакчилик кишлек фукаролари йигини, 5-үй	Бухоро вилояти, Қоракўл тумани, Дарга кишлоги, 6-үй
		Тош. ш. Чилонзор 15/14/20
		Пенсияда (илгари ўқитувчи бўлсан)
		Бухоро вил., Вобкент тум.

Тартибга З-илова  
С-шакл  
“Тасдиқлайман”  
Ахборот технологиялари ва  
коммуникацияларини  
ривожлантириш вазири (ўринбосари),  
Комиссия раиси

Ишга қабул қилиш бўйича танлов Комиссиясининг  
номзод(лар) билан (видеоконференцалоқа орқали) ўтказилган сұхбати  
**БАЁННОМАСИ №\_\_\_\_\_**

“\_\_\_” 2020 й.

Тошкент шаҳри

**Раислик қилди:**

Ф.И.О. - Лавозими

**Комиссия аъзолари:**

Ф.И.О. - Лавозими

Ф.И.О. - Лавозими

Ф.И.О. - Лавозими

Ф.И.О. - Лавозими

**КУН ТАРТИБИ:**

2020 йил “\_\_\_” да бўш иш ўринларига эълон қилинган танлов бўйича номзод(лар)  
билил сұхбат ўтказиши.

**Сұхбатда иштирок этадиган номзод(лар) рўйхати:**

1. Ф.И.Ш.

2. Ф.И.Ш.

3. Ф.И.Ш.

4. Ф.И.Ш.

....

Кун тартибидаги масала бўйича 1- номзод Ф.И.Ш. билан қуидагича сұхбатлашилди:

Кўриб чиқилаётган иш ўрни:

1- савол:

Жавобга баҳо: тўлиқ ва тўғри / қисман тўғри / қониқарсиз / жавоб йўқ

2- савол:

Жавобга баҳо: тўлиқ ва тўғри / қисман тўғри / қониқарсиз / жавоб йўқ

....

Кун тартибидаги масала бўйича 2- номзод Ф.И.Ш. билан қуидагича сұхбатлашилди:

Кўриб чиқилаётган иш ўрни:

1- савол:

Жавобга баҳо: тўлиқ ва тўғри / қисман тўғри / қониқарсиз / жавоб йўқ

2- савол:

Жавобга баҳо: тўлиқ ва тўғри / қисман тўғри / қониқарсиз / жавоб йўқ

....

Комиссия кун тартибидаги масала бўйича номзод(лар) билан сұхбатлашиб, саволларга у(лар)нинг берган жавобларини инобатга олган ҳолда, **қарор қиласди**:

1- номзод Ф.И.Ш.ни ..... лавозимига 3 ой синов муддати билан ишга қабул қилиш таклиф этилсин (синов муддатисиз ишга қабул қилиш таклиф этилсин/ишга қабул қилиш таклиф этилмасин).

2- номзод Ф.И.Ш.ни ..... лавозимига 3 ой синов муддати билан ишга қабул қилиш таклиф этилсин (синов муддатисиз ишга қабул қилиш таклиф этилсин/ишга қабул қилиш таклиф этилмасин).

....

**Комиссия аъзоларининг имзолари:**

Ф.И.О.

Ф.И.О.

Ф.И.О.

Ф.И.О.